

A3^r

Vorred:

Vom Jrrthumb Nefthorij
beim geheymnus der menfch
werdunge/ Leidens vnd Glo-
rien Chrifti.

DAmit diß folgende büchlin Caffiani (da-
riñ die Gloria/ Maieftet/ Eer vn̄ herrlich-
heit vnfers Herrn Jefu Chrifti/ wie auch
fein leiden/ gar herrlich wirt bezeüget vnd
befchriben) etwas leichter müge verftan-
den werdē/ deß gleichen auch die Nefthoria
nifche jrrüg ſich dafür zühütē: So ift am erft zūwiffen/
das ongefährlich vor ailffhüdert jaren bald nach der zeyt
Chriſtoftomi/ da der Keifer Theodofius der junger re-
gieret/ ain Biſchof zū Conftantinopel geweft/ mit na-
men Nefthorius/ ein beredter vnd ernſthaffter aber ſtol-
tzer mann/ der bey der einigkait Chrifti/ nit allain ſpal-
tung gemacht/ fonder auch bey feinem waren erkant-
nus ſchwere jrrthumb/ die ſich ytzt gewaltig wider erre-
gen/ auß der Philofophia hat eingefürt/ damit fo er die
vnzertrennliche perſon Jefum Chriftum vereinigten
Gott vnnd menſchen (der da heißt Emanuel) den eini-
gen eingebornen Son Gottes/ vnſchicklich auffgelöſet/
feine gantzheit baide in der geburt/ Leiden vnd ſterben/
darnach auch inn der Glorien/ ere/ vnnd herrlichkeit hat

Nefthorius.

A3^v

zertrennet vnd getailt/ ein natur von der andern (nemlich die menſcheit von der Gottheit/ vnd widerumb die Gottheit von der menſcheit inn Chriſto) abgefondert/ vnd gleich auß dem einigen einfältigen Herrn Chriſto mit feiner vernunft gedanken zwar ding/ oder zwo perſonen/ auß dem eingebornen Sone Gottes vñ des menſchens zwen Söne gemacht hat/ damit er deñ des rechten Chriſti gantz hat verfehlet/ dauon wir zu vnſer warnung/ weil ſich folcher Neſtorianifcher jrrthumb vnd theylunge Chriſti ſtarck wider erböret/ nu weiter wölen hören.

Am erft: Hat difer ketzer/ wie ihn die Chriſtliche kirch nennet/ fürgeben vnd gelert: Das Chriſtus nit Gott vnd menſch/ ſonder nur ein einziger purer menſch/ vom ſamen Abrahe auß Maria der Junckfrawen fey geboren/ vnd nach feiner geburt/ erft von Gotte in eine perſon fey angenommen/ alfo/ das das wort mit dem flaiſche erft nach der geburt des menſchens durch die ahnung vnd zufamen fügung fey vereinigt worden/ zu welchem jrrthumb ihne vnder anderm mer der mißuerſtand des ſpruchs des Herren: Was auffem flaiſch geboren iſt/ das iſt flaiſch/ deßgleichen auch das leiden Chriſti/ ja die Eere Gottes als ers dafür (nach feiner vernunft außmeſſen) achtete/ hat bewegt/ wie er daß ſagte: das es dem herrlichen allmechtigen ewigen Gotte vn erlich were/ alfo von einem weib geborn zu werden/ vnd ſo bald man zu liſſe/ das Gott menſch geborē/ muß man auch zu loſſen vnd bekennen das Gott menſch gelitten/ damit eintweder die vnleidliche Gottheit ins leiden geſetzt

A4^r

fetzt/ vñ der ewige vnwandelbare Gott also gefchmãcht wurde/ Oder aber die Arrianer (wie er fagte) müßten recht haben/ welche Chriftum auch drumb/ das er leidlich geweft/ das er von feinem leiden zũuor gefagt/ gelitten vnd geftorben/ nicht wolten waren Gott fein laffen/ das waren feine bewegnüs.

Vnnd kurtzlich: Neftorius hat wol zũgelaffen/ das Gott vnnd menfch jn Chrifto ein perfon fey/ Aber die Jdiomata vnd eigenfchafft des menfchens als geboren werden/ leiden vnnd fterben ꝛc. hat er nicht wõllen auch Gotte jn Chrifto gemein fein laffen/ deßgleichen hat er auch folgendts nach der verklerunge Chrifti/ die eigenfchafft der göttlichen natur/ nicht der menfchlichen natur zũgleich wõllen laffen/ wie es noch bey vilen Theologen ift heütiges tags.

Drumb fo wolt Neftorius nit zũlaffen noch glauben/ das Chriftus gantz Gott vnnd menfch von Maria fey geboren/ Eben wie er auch nit wolt zũlaffen/ das Chriftus gantz/ Gott vnd menfch vereiniget in ongefonder- ten Naturen warhaftig gelitten/ geflorben/ auffertāden/ zũhimmel gefaren gantz vnfer Herr vnnd Gott fey/ fonder er hielt das nur allein die menfchlich natur inn Chrifto hab gelitten/ wie auch nur der menfch in Chrifto von Maria fey geborn/ das nemlich geborn werden/leiden/ fterben/ allain dem angenommen flaiſche Chrifti/ nit Gott zũgehõre/ ja er ſprach: Es were menfchlichen oren vntreglich zũhõren/ wann man fagte: Gott ift geborn/ Gott hatt gelitten/ Gott ift geflorben ꝛc. vnnd das der

Die Neftorianer haben ſich beclagt/ man wõll jn Theopathian (Gottes leiden) ein führen.

A4^v

vnendtliche Gott/ der alle ding tregt/ fo vil Monat in müter leib folt getragen vnd befchlossen fein wordē/ daher er dann auch nit wolt zûlaffen/ das Maria ein gebererin vnnd müter Gottes/ fonder allain ein müter Chrifti/ folt genant werden.

Solche feine teilung der vnzerteiligen perfon Chrifti zûerhalten/ hat er vil Philofophifcher/ Sophiftifcher Argument eingefürt/ vnnd weder den glauben noch die fchriffte drumb confuliret/ alls: Das das älter von dem jüngern nit möge geborn werden/ Gott aber fei älter dann Maria/ drumb fo könne Maria nit ein müter Gottes fein/ noch genät werden/ Item: Alles was geboren wirt / muß dem geberer gleich fein/ Gotte aber könne nichts vergleicht werden/ drumb fo möge er auch vö kainem menfchen geboren werden / 7c.

Eben folcher Argument brauchen fich noch etliche wider die herlicheit vnnd gätzeheit Chrifti.

Alfo hat er auch beim Leidē Chrifti arguirt/ das nemlich das leiden ein accidens oder zûfellig ding wer/ einem andern dan Gotte zûgehörig/ ja allein deme/ das es fallen könne/ zûftendig/ das wandelbar/ verrucklicher vnd leidlicher natur wer/ Gott aber fey vnwandelbar/ vnleidlich/ an dem khain zûfall möge hafften 7c. Drumb fo habe nit Gott im fleifche/ noch der gantzē Chriftus gelitten/ fonder allain der menfch/ auß vns/ von Gott angenommen hab gelitten/ bei welchem Gott im leiden geweft/ aber vnleidlich bliben/ vnd hab es verhenget / vorbesehen/ oder zûgelaffen/ das der menfch Chriftus vmb aller menfchen hail willen/ alfo folte leiden.

Das war Neftorij jrthumb beim leiden Chrifti des
Sones

A5^r

Sones Gottes/ Welcher mensch wurd aber/ der ohne
 gotes gnade/ vnd one das liecht des waren glaubens ist/
 nicht bald dencken/ das solchs nur überauß recht vnd
 ein gute Christliche meinung wer/ so es doch wider vn-
 fern glauben/ vnd wider die hailige schrift ist/ wie wir
 hernoch auch aus Caffiano werden hören.

Vnd wiewol gedachter Nestorius zwo naturen in
 Christo/ die Gottheit vnd Menschheit mit vns vnd al-
 len waren Christen hat bekennet/ so tailet er sie doch
 solcher gestalt mit feiner außlegung so weit von einan-
 der/ das gleich zwo personen (ein ander person des flei-
 sches/ ein ander person Gottes) daraus worden/ das er
 aus dem einigen vnzertailigen Christo/ der Gott mensch
 ist/ zwē getailte Christus machte/ der jeder besonder für
 sich selbst one den andern/ wurde verstanden/ Einen nem-
 lich als des menschen son one Gotte/der von Maria ge-
 boren/ gelitten/ gestorben/ welchem er einen angenome-
 nen son nennet/ Den andern als Gottes natürlichen
 son one mensch/ der nit von Maria der müter inn der
 zeit/ sonder von Gotte dem vatter auffer aller zeit inn
 ewigkait geboren/ vnd von oben herab sei ins fleisch ko-
 men/ der sich wol mit dem menschen vereinbart/ das
 fleisch an sich genommen/ im fleische gewonet/ aber nit
 gelitten noch gestorben sey.

Deme also nach/ bildet ihm Nestorius für einen men-
 schlichen Christum/ vñ sagte das er als ein bloßer mensch
 im Euangelio offt menschlich in feiner schwachheit creüt
 vnd leiden blonders one Gott das wort/ geredt vnd für
 sich

A5^v

sich selbst hab gelebt/ Deß gleichen einen göttlichen/ das der auch besonders von seinem eigenthumb von seiner Gottheit offtt herrlich one den menschen geredt hat vnd Gott oder das wort für sich selbst gewest sey/ Vñ entlich wie der leidende Christus alle in ein purer mensch/ one Gott geborn/ also sey er auch am Creütz one Gott/ ein purer mensch gestorben/ derhalben was die schrift sagt vom leiden vnd sterben Christi/ das solt man auff die menschheit one Gott/ deuten/ Dagegen/ was sie sagt vñ der herrlichkeit/ leben/ Eer/ vñ Glorien Christi/ das solt man auff die Gottheit one seine menschheit deuten.

Nestorius wolte nicht sagen das Gott mensch worden/ fonder allein das Gott den menschen hab angenommen.

Damit dann Nestorius sampt seinen anhangern/ das onaußsprechlich geheimnus Incarnationis verbi, das ist der menschwerdung Christi/ sein vnzerteilige einigkeit/ sampt dem gantzen handel vnser verfürung/ erlöfung vnd feligkeit/ hat auffgehoben/ in deme so er Christum vnfürsichtiglich also tailete/ das er auch das hailbringend leiden Christi/ ja sein erlöfung vnd verfürung allein dem menschen oder flaische eigen machte/ vnd Gott das wort/ das da ist flaisch oder mensch worden/ dauon wolt löndern/ trennen oder außschliessen/ wie wir bald von Cyrillo selbst/ der sich wider ihn legte/ hören werden.

Darauß denn nach seiner mainung/ wurde volgen/ das nicht der ewige Son Gottes/ fonder allein des menschen son/ der son Dauids nach dem flaische für vns gestorben/ vns hette verfürnet vñ erlöset/ so doch Paulus spricht: das Gott seines eignen sons nit verfhonet/ fonder ihn

B1^r

der ihn für vns alle dahin gegeben/ ja vns mit jm alles
 gefchenckt hat Rom: s. welchs freilich nit allein vom flei-
 sche/ oder vom menfchen/ noch von einem halben Chri-
 fto/ fonder von dem eignen eingebornen gantzen Gottes
 fon/ Gott vnd menfch/ ja vom gantzen Chrifto vnzertei-
 lig zûuerftehen ift/ Vnd 2. Corinth: 5. noch heller: Gott
 war in Chrifto vnnd verfûnet die welt mit jm felber.

Zû dem allem/ wolt Neftorius auch nit Chrifto Je-
 fu/ nach feiner himmelfart/ verclerung vnd erhôhung
 in perfonlicher gantzheit/ oder noch beden vereinigten
 Naturen in der glorien/ gleiche göttliche krafft/ macht/
 wircklichkeit vn̄ Eer geben/ fonder er tailt dafelbs auch
 den gantzen Chriftum/ wolt nit zulaffen/ das er heüte
 nach der gantzen perfon in vollkomner Gottheit/ vnnd
 auch nach beden naturen der ware felbtendige Son
 Gottes/ vnfer Herr vnd Gott fei/ Er fonderte die Got-
 heit vom menfchen ab/ das wort vñ flaiſche/ wie er auch
 das flaiſch vnd blût Chrifti alß den nit wolt nach feiner
 felbt natur vnnd göttlicher entpfangner eigenſchafft/
 ein lebendigmachende flaiſch vnd blût laffen fein/ fo we-
 nig alls er feinen leib die ware wefentliche ſpeife der see-
 len/ nach dem worte des Herrn wolte laffen bleiben.

Er glaubte nit/ das der ander Adam/ der new auß
 Gott geborne vnd in gott widergeborne menfch Jefus
 Chriftus inn feiner felbs natur/ nu warhafftig Gottes
 Eer/ krafft/ wefen/ namen vn̄ herrlichkeit hat erraicht/
 vnnd durch feine erklärung vnnd falbung zum himmel
 kônige erblich hat eingenomen/ fonder das er nur Tro-

B1^v

Communica
tio Idiomatū.

pice. per Communicationem Idiomatum, alle in vō wegen des einwonenden Gottes vnd der vereinigung vnd gemein schafft halben mit Gott/ ja vmbs worts willen/ also möchte mit vereeret/ mit angebetet/ vnnd gleich wie einer mit dem andern/ vnnd vmbs andern willen vereeret/ angebetet/ vnd Gottes Ion möchte genannt werden/ nicht aber eigentlich/ proprie noch warhafftig nach seiner verklärten menschlichen natur selbst.

Nestorius hat den halbē Chriftum für ein Creatur gehalten/ so er doch kein Creatur sondern nach der gantzen person vnzertrenlich vnser herr vnd Gott ist.

Nestorius hat den Ion gottes Jefum Chriftum in der herlicheit halb also zuredē/ das ist noch einer natur für Gott/ vnnd halb/ das ist/ nach der andern natur für ein Creatur gehalten. Er hieß den menschē Theophorum/ einen träger gottes/ vnd allein einen Tempel vnnd Wohnung Gottes/ Gleich als ob der mensch in Chriſto/ nicht mer denn ein heilige oder Prophet were/ in welchem Gott wonet/ drum so wolt er Chriftum auch nit gantz einen zukünftigen Richter lassen bleiben/ sondern leret/ das nur die göttliche natur so in ihm were/ das gericht wurde halten/ wie er denn solcher vnzeitigen teilung/ zum abbruch der herrlichen Maieſtet des einigen einfaltigē vnzerteiligen Iones Gottes Jefu Chriſti/ mit seinen philosophischen geteilten vernüfft gedanken vil gemacht/ vnd nit die gantzheit an Chriſto geeret/ noch durch den glauben hat ergriffen vnnd bewaret/ sondern nur stückh an ihm gefücht hat.

Wider solchen jrrthumb oder Götzerey des zwifaltens/ trennens vnd abtailens der einigen vnd vnzerteiligen person Chriſti Gottes vnnd menschens/ ist da zur
zeit

B2^r

zeit das Concilium Ephelinum berufft worden/ welches das drit General nach dem groffen Nicenifchen Concilio gewelt/ darauff Cyrillus der Patriarch von Alexandria pfeidirt/ vnd mit zwaihundert Biſchoffen/ gedachten jrthüb der teylung Chrifti mit heilger ſchrift widerlegt/ vnnd verdamet hat/ Wie denn auch daſelbt die einigkait inn Chriſto vnd feiner perſonen gantzheit vnzertrennet zûbehalten iſt beſchloffen/ vnd bißher von der kirchen Chrifti einhelliglich gehalten vnd gegleubt worden/ Nemlich:

Das Chriſtus Jeſus warer Gott vnnd menſch auß Maria der jungfrawen geborn/ ein perſon ſey/ vn̄ nach der vereinigung oder Incarnation/ keins wegs/ weder in der geburt/ ſterben/ noch aufferſteung/ weder in der dienſtbarkeit noch herrlichkeit auffgelôfet/ getrennet/ oder zerteilet môge werden.

Darauff denn weiter iſt beſchloffen: Das Maria ein gebererin vnnd Mütter Gottes warhafftig gewelt ſey/ Nach dem ſie Gott dem menſchen vereinigt / Ja das wort Gottes das da iſt flaiſch worden (des namen heiſt Emanuel) Chriſtum Jeſum vnfern Gott vnd Herren/ leiblich hat geborn/ der als der herr aller herrlichkeit/ für vns gelitten/ zûr vergebung der fünden ſein blût vergoffen/ gecreütziget/ geſtorben/ vnnd allen gläubigen menſchen/ das ewig leben hat erworben.

Solchs iſt aber nit alfo zûuerſteen ſagt Cyrillus/ als ob die natur Gott des worts/ drumb das Chriſtus Gott

Concilium zû Ephelo wider den Neſtor. Cyrillus.

Man leſe Hiſtoriam Trinitariam li. 12

✠

Maria ein müter Gotes

1 Cor. 2.

B2^v

Geboren vnd
sterben auff
den gantzenn
Chriftum zû-
richten nicht
vff die Natu-
ren abgefôn-
dert im gan-
tzen.

Da ligt der
grund jhres
jrrthumbs.

Concilij Ephe-
sim beschluß.

vnnnd menſch von Maria geborn/ iñ der geburt Chrifti
da erft vom fleiſch den ahnfang feines wemens het em-
pfangen/ Dann jm anfang war das wort/ vñ das wort
war bey Gott/ vnnnd Gott war das wort/ Eben als we-
nig als auch die natur des worts im ſterben Chrifti das
end jrs wemens hat erlangt/ dann im wort war das le-
ben/ Deßhalbten ſo muß geborn vnnnd ſterben des einge-
fleifchten worts verbi incarnati, nit an den naturen Chri-
fti zertailig da gefücht/ fonder nach dem vereinigten per-
ſonlichen wemen Gottes vnd des menſchens/ jn der gantz-
heit/ recht gericht/ geglaubt/ vnd behalten werdē/ Alſo
ſchleüßt auch das Cōcilium: das die vnzertrenliche per-
ſon Jefus Chriftus/ nach der vereinigung vmb baiden
natur willen keins wegs foll zertailt werden/ wie auch
bede naturen vmb einigkeit der perſon willen nit ſollen
vermiſcht werden.

Drüb ſo iſt daſelbſt weiter beſchloffen: das das wort/
das da iſt fleiſche worden/ Nemlich Chriftus Jefus/ der
ware eingeborne ſon Gottes nit allein ein Son Marie/
fonder der eigne ſon Gottes Gott menſch/ Chriftus
gantz jm leiden gewelt/ gecreutziget/ für vnſere lünd ge-
ſtorben/ vns verſünet vnd erlöſet hat/ Nit das Gott ein
anderer vñ der menſch ein anderer/ Nicht das ein anderer
gelitten/ vnd ein anderer vnleidlich/ ein anderer geſtorbē
vnd ein anderer lebendig ſey beliben/ fonder eben der ſel-
be einige vnzertrenliche Chriftus Gott menſch ſey von
Maria geborn/ gelitten/ geſtorben/ vnnnd heüt inn alle
göttliche Eer/ wemen vnnnd herrlichkeit geſetzt worden.

Vnd

B3^r

Vnd wie der zwelffte artickel dafelbft jn den Statuten des Concilij Ephesini alfo lautet: Wer nit bekhenet/ das das wort Gottes (das da ift flaiſch worden) im fleifche gelitten/ gecreütziget jm fleifche/ vnnd den tod jm flaiſch gefchmeckt hat/ vnd der erft geborne auß den toden ift worden/ noch deme er das leben/ vnd der lebendigmacher/ als Gott felbs ift/ der fey Anathema/ das ift verbannet.

Aber des zů merer erclerung wöllen wir hören was Cyrillus von der gantzheit des leidens Chrifti an einem andern ort ſchreibt/ da er alfo ſpricht: Die Neftorianer beſchuldigen vns/ als ob wir eine Theopachia/ wie ſie es nennen/ das ift ein leiden des vnleidlichē Gottes wöllen einführen/ darumb das ſie das geheymnus diſer diſpenſation nit verſteen noch bedencken wöllen/ vnd deßhalbens vnderſtehen ſie ſich (wie wol bößlich) das leiden bñonders auff den menſchen allain zůrichten/ damit ſie dem verdamlichen jrrthumb vnfüchtiglich anhangē: Das Gottes wort nit ein feligmachende wort werd geglaubt/ das ſein eigen blůt für vns hab vergoffen/ ſonder das vil mehr/ der menſch Jeſus bñonders werd verſtanden der ſollich allain one Gott erfüllet/ vns habe gefeliget oder erlöſet/ Darmit ſie deñ den gantzen handel der menſchwerdung außlāren/ vnnd das götlich gehaimnus vnſrer feligkeit/ alfo verborgner weiſe gern zů einem menſchlichen werck machen wolten/ Bedenckhen nit das Paulus eben dene/ der auß Juda/ das ift auß dem Samen Jeſſe vnd Daud nach dem flaiſche ift/ nit allein einen herren der herrlichkeit/ ſonnder auch Gott

Ireneus lib: 5.
Ieſum verbum
dei Incarnatū
ſuſpenſum eſt
ſuper lignum.

Cyrillus Ad
ſucceſſum Epi
ſcopum.

1 Cor. 9.
Rom:9.

B3^v

vber alles gelobt inn ewigkeit bezeugt vnnd genennet
hat/ hæc ille,

Drumb will Cyrillus/ das wir follen also daruon re-
den/ das der mensch mit Gott vereinigt (oder Gott
Mensch) sei geboren/ gelitten/ gestorben nach seiner gantz
heit vnzerteilig/ das man da nicht besonders was Got-
tes ist allein Gotte/ on den menschen/ zuschreibe/ Noch
was des menschen ist/ allein dem fleische one Gott zus-
aigne/ sonst wurd auch die viert person inn der heiligen
Drifaltigkeit mit solcher teilug eingefurt/ vnd es wurd
aus dem einigen vnzerteiligen Gottes Sone zwen Chri-
stus/ einer als der schöpffer/ der ander als sein schöpff-
ung werden/ wie solchs aus des Nestorij teylung hat ge-
volgt/ Wir follen aber bekennen beide substanz des flai-
sches vn worts/ nach deme das wort ist fleisch worden/
einen einfaltigen Christum Gott vnnd menschen/ bede
in der geburt/ leiden vnnd sterben vnzertrenlich.

Item gedacht Christlich Conciliū hat auch beschlo-
sen: Das nu Christus nach der gantzen person herrlich/
ja nit allein nach der gottheit/ sonder auch nach der
menschheit in der glori Gottes gantz vnd vnzerteilig mit
seinem eigne leibe/ fleisch vnd blut soll geglaubt/ ange-
betet vnd vereeret werden.

Denn also lautet der eilffte Canon oder sententz da-
selbst. Wer nicht bekennet das das fleisch des herren ein
lebendigmachende vnnd eigen fleisch des worts gottes
des vatters ist 7c. der sey Anathema das ist verbannet/
Da das

B4^r

Da das Concilium will/ das nit allein das wort in Chri
fto vns lebendig vnd gerecht mache/ fonder Chrifthus
gantz.

Das auch das flaiſch Chrifti ein lebendigmachende
flaiſch/ vnnd des worts Gottes des Vatters ganntz
eigen flaiſch ley/ daraus es das leben nu auch für ſich
felbs in perſonlicher einigkait hat erlanget/ vnnd einer
ley krafft/ macht/ vnd wirckung inn vnd mit dem worte
habe/ ja alles das lebendig macht/ von deme es im wort
vnd mit dem worte durch den glauben wirt ergriffen/
Das das flaiſch jm worte/ vnd das wort mit dem flai
ſche ein Chrifthus vnfer feligmacher Herr vnnd Gott ift
ewig gelobet.

Solchs alles ift etwan wider den Neftorium mit ein
trächtiger ftimm der kirchen Chrifti/ nach dem zeügck
nus der ſchrift von den vâtern beſchloffen/ ahngenom
men vnd geglaubt worden/ fo wol als es auch noch von
allen Chriſten ſol geglaubt werden/ Dieweil ſich aber
gedachter jrrthumb der teilung Chrifti weit außgebrai
tet/ vnd nit ſo bald allenthalb abgethon noch gebeffert
konde werden/ wie denn ſolche teilung menſchlicher ver
nunfft ahnmütig vnd beheglic/ So haben auch andre
mer darwider geftritten/ vnder welchen diſer Caffianus
ein jünger Chriſoftomi auß ermanung vnnd befeel des
Rômifchen Biſchoffs Leonis/ ſiben bücher wider ſolche
teilung für die gantzheit Chrifti inn Latin hat geſchri
ben/ die er Deincarnatione Domini contra Neftorium Jn
titulirt hat.

Caffianus
ein jünger
Chriſo
ftomi.

Solcher

B4^v

Solcher bücher die zûr wid⁹legung der Götzerrey
 Nestorij difer zeyt fonderlich aus gottes schickung wi-
 der an den tag kommen/ vnnd zû Bafel jm 1534. jar La-
 tine durch Andream Cratandrum feint gedruckt wor-
 den/ ift dis das dritt in der zaal/ fo alhie hernach volgt/
 welches aber vnder den andern eben darumb am erft ift
 verteüfcht worden/ das es das ware erkantnus Chri-
 fti mit bewârung feiner gantzheit hell/ clar vnd verftend-
 lich fûrtregt/ das es auch vaft ein Sumarium feines
 gantzen fchreibens vnd alles des ein Scopus ift/ was in
 den andern büchern/ von der Menfchwerdung/ leiden
 vnd herrlichkeit Chrifti weitleüffig (auch mit erzêlûg vi-
 ler alten jrrung/ fo nit jederman von nôten zûwilfen)
 wirt begriffen.

Vnnd das es in fonderheit wider die Creaturiften/
 das ift wider alle die ift/ fo den menfchen Chriftum den
 andern Adam nicht allein nach feinem erften ftāde/ fon-
 der ihn auch nach feiner Glorificirung im himel/ vnnd
 nach der vntlichen Glorien gottes einnemûg/ für ein
 Creatur oder gefchöpf halten/ fagen: das fein fleifch fei
 erfchaffen/ das er nach dem fleifche nicht der ware Son
 gottes fey/ die ihn auch nit gott mit gott inn aller göttli-
 chen Eer/ macht/ krafft/ wesen vnd namen gottes/ heüt
 wölln fein noch bleiben laffen. Ja die (eben wie etwann
 Nestorius) Chriftum nit allein jm leiden/ fonder auch
 in der glorien zerteilen/ ihm fein volkhomne gottheit be-
 nemen/ fo fie ihne nit gantz dem vatter gleich/ noch eins
 wesens mit feinem flaiſche/ leib vnd blûte jn der clarheit
 gottes wölln gleuben noch fein loffen/ vnd die da fagen
 das

C1^r

das der menſch inn Chriſto den Namen Gottes kheins wegs könne tragen vnnd deßhalb auch nicht angebette folle werden.

Damit ſie dann die gantzheit Chriſti verlieren/ in jm nu im himmel vngleicheit einführen/ ſein Gottheit vonn der menſcheit trennen/ vnd in Chriſto ein natur von der andern abondern/ Ja auch das fleiſch vnd blüt Chriſti nu nach Chriſti hymelfart im himliſchen wesen/ nit geiftlich noch göttlich/ fonder nur menſchlich vnd fleiſchlich richten/ nach deme ſie ſein menſcheit als ein Creatur ann ftett vnnd ort weit vnder ſein Gottheit ſetzen/ dem verklerten leibe Chriſti leibliche eigenſchafft zümessen/ welches alles jrrig/ dem waren glauben (der Chriſtum vberall gantz faffet) nachteilig/ auch der Glorien Chriſti züwider iſt vnnd entgegen/ geſchweige das ettliche Theologen vnd predicanten Chriſtum nach dem fleiſche nit für den waaren natürlichen Son Gottes/ fonder für einen Son Daud/ ja allein für einen Adoptium filium wöllen halten vnd gehalten haben.

Vnnd ob wol gedachte Teiler oder Trenner der vnzerteiligē perſon Chriſti/ einen Jeſum Chriſtū für den erlöſer vñ feligmacher/ deßgleichen auch für jren Gott vñ Herren in gemein leren vñ bekeñen/ ſo gſchichts doch wie dort mit Neſtorio nit in einfalt des glaubens nach der gantzheit der perſon vnnd einigkait der Naturen Chriſti/ fonder inn zwifpalt mit getailten vngleubigen gedancken/ nach dem dunckel jrs hertzens/ welche ſie yt3

C1^v

auff fein Gottheit/ dann auff fein menſcheit richten/ ſo doch die menſcheit alfo mit der gottheit iſt vereinigt/ das es nu nitzwai geteilte fein/ fonder ein Son Gottes vnd ein Chriſtus iſt.

Ireneus lib: 3.
cap. 18.

Drumb ſo verlachen oder verſpotten ſie ſich frei felbs/ wie Ireneus von jhnen ſchreibt/ das ſie ein anders halten/ ein anders reden/ Ein anders mit dem hertzen glauben/ ein anders mit dem mund bekheñen/ ſie ſagen zwar das Chriſtus allweg ein Suppoſitum/ ein perſon vonn zwai Naturen bleibe/ ſo bald ſie aber entweder im erſten ſtande von feiner geburt/ leiden/ Creütz/ ſterben/ oder im andern ſtande von feiner göttlichen herrlichkeit/ krafft/ wesen/ vermögen/ allmechtigkait ꝛc. reden/ leſen oder hören/ ſo haben ſie in jrem hertzen einen geteilten Chriſtum/ ja nur einen halben Chriſtum/ drumb das ſie ſolchs was von ihm geſchriben/ nit durch den glauben im gantzen/ fonder durch die vernunfft in den tailen alſo züreden des gantzen ſüchen/ dadurch ſie denn von der ganntzheit der perſon Chriſti/ auff feine naturen abfallen vnd die ſelben auß der gantzheit nemmen.

Exempel: Sie ſagen wol eufferlich mit dem munde/ das der ewige eingeborne ſon Gottes Jeſus Chriſtus/ für vnſer ſund geſtorben/ vnd glaubens doch nit jnnerlich mit dem hertzen/ deñ ſie halten das nur fein menſcheit vnd nit Chriſtus die gantze perſon Gott vñ menſchey geſtorben/ nu iſt fein menſcheit allein nit Chriſtus/ noch der ſon Gottes/ fonder Gott vnnd menſch vnzerrenlich/ wie es alle rechtſinnige Theologi ye vnd ye gehalten.

Waran

C2^r

Waran mangelts ihnen dann? Es mangelt ihn für
nemlich am rechten glauben/ welcher allein Chriftum
recht kennet/ auch ihn überal gantz behelt vnd fein wa
res erkanthnis dem hertzen gantzlich mitbringt/ Joh: 6.
Wir haben geglaubet vnd erkant/ das du bist Chriftus
der Son des lebendigen Gottes/ spricht Petrus on alle
teilung/ wie es vnfer Caffianus hernach fein außleget
vnd ercleret.

Alfo sag ich/ Das es den Newen vnd alten Nestoria
nern am glauben vnd erkantnis Chrifti mangelt/ vnnd
das sie die hendel gottes/ fürnemlich aber das groffe ge
heimnis der gottfeligkeit. 1. Timoth: 3. mehr nach den
regeln der Philofophia vnnd nach jrer vernunfft auß
messen/ weder nach der heiligen fchrifft vnnd nach dem
geifte des glaubens anfehen vnnd richten/ folchs macht
sie jrre/ So ift die ernidrigung Gottes des worts im flei
fche/ fo wol als die erhöhüg des fleifches in gott dem wor
te/ jrer vernunfft vnbegreiflich/ Nemlich/ das das ein
gefleifchte wort Gottes/ gott felbs im fleifche/ mit dem
fleifche vnzertrennlich hab gelitten/ das gott inn Chri
fto die welt mit jm selber hab verfünet/ 2. Corinth: 5.
Das der Herr der herrlichkeit fey gecreütziget. 1. Corin: 2.
Oder der fürft des lebens fei getödtet: Acto: 3. Solchs
wöllen sie nit glauben/ wiewol es vom gantzen Chrifto
gefchriben/ auch vō gantzen foll verftanden vñ von vns
geglaubt werden/ Alfo ift auch jrer vernunfft vngleub
lich ja zū hoch vñ vnbegreiflich/ das der menfch in gott/
nu in aller clarheit/ Eer vnd herrlichkeit/ mit leib/ fleifch/
vnnd blüt auffer zeyt/ ftett vnnd ort 7c. eben das alles fei
was gott ift.

Newe Nesto
rianer.

C2^v

Wanns deñ also am glauben mangelt vnd die philo-
sophischen Theologi/ dise nemlich so inn jrer schůlkunft
auffgeblofen solche Myſteria nicht mit andechtigem ge-
bett bey Gott vnnd Chriſto wóllen lúchen/ so muß men-
schliche vernunft vnnd weißheit auß der Philoſophia
Communicationem Idiomatum, Alleofes, Sinechdochen,
Metonimian, vnd waiß nit was sonft für figuren erden-
ken/ dadurch sie jren jrrigen verstand vō Chriſto möch-
ten erhalten/ beschützen/ vnd der schrift ein farb anfrei-
chen/ damit wirt aber die einige person Chriſtus zertei-
let/ sein gätzhait wirt zertreñet/ sein herrlichkeit gefchme-
let/ sein Reich verwúftet/ sein erkantnis verdunckelt/
das auch endtlich Chriſtus nit für den Herren/ sonder
für ein Creatur/ nit gantz für den natürlichen son Got-
tes/ sonder für einen Adoptiuum ahngenomēnen Da-
uids son/ nit für den geiftlichen regierenden himmel kō-
nig/ sonder etwa für ein todt vnkrefftig ding/ das hie
vnnd da den jrrdischen Elementen vnnd Eufferlichen
dingen zúgefellet zúr merckhlichen schmach Chrifti wirt
gehalten.

Wider solche philoſophische teilung vnd jrrung beim
erkantnus Chrifti/ fichtet difes folgend bűchlin mit der
heiligen schrift gewapnet/ vnd bewehret die vnzertren-
liche einigkeit gottes vnd des menschens in Chriſto/ wie
etwan alhie auff erden im leiden vñ knechtischen dienſt-
wesen/ also itzt dort in der Gloria/ im herrlichen göttli-
chen regierenden wesen gantz ſtarck vnd krefftig leret vñ
ercleret: Das Chriſtus nach der gantzē person herrlich/
ja nach beden naturen/ der ware natürliche son gottes/
Gott

C3^r

Gott feinem himlifchē vatter iñ allem gleich fōrmig/ vn-
fer herr vnd Gott fey/ wie fuchs nu felbs dem Chriflichē
lefer gnūgfam foll außweifen.

Die Summa ift (eben wie zūuor beim Concilio ange-
zeigt) das Chriftus Jefus warer Gott vnd menfch ein
perfon fey/ die nu nach der menfchwerdūg gottes keins
wegs mag auffgelōfet/ getrennet oder zerteilet werden/
das er nicht allain Menfch/ fonnder auch Gott/ jha
Gott menfch/ von Maria der junckgfrawē fey geborn/
das er gantzlich gelitten/ geftorben/ nicht ein natur von
der andern abgefondert/ fonder die gantze perfon Chri-
fti/ hab fich ins leiden begeben (dan alfo mußte Chriftus
leiden vnd inn fein herrlichkeit eingeen) dadurch er auch
des menfchen feligkeit alfo gewürckt hat/ vnd dañ gantz
wider auffertanden/ vercleret/ erhöhet/ vnd auch nach
der menfcheit inn gotte gantz/ litze/ herfche vnd regiere
zū der rechten Gottes/ wie ihn dan Paulus in feiner be-
kerung für Gott erkennet/ wie ihn auch Thomas vn-
zertrennlich gantz alfo bekennet/ da er zū jm: Mein herr
vndd mein Gott/ fprach.

Alfo bewehret Caffianus weiter in folgendem büch-
len: Das in Chrifto Jefu hinfür nach feiner verklerung
nichts menfchlichen/ nichts flaiſchlichen noch leiblichen di-
fer Creaturlichen ordnung fei/ fonder das er auch nach
feinem fleifche/ das welen gottes ererbt/ gantz göttlich/
himlifch vndd geiftlich fei/ ja das alles was der menfch
Chriftus ift/ nu inn Gott daas/ was Gott fey worden:
Er ſpricht: nach dem die ſchwacheit des fleifches dort

Lucc 24.
Aeto: 26.

Johan: 20.

Das Chriftus
auch nach dē
flaiſche dz we-
fen vndd die
herrlichkeit
Gottes hab
ererbt Heb: 1.
Phil. 2. Mat-
thei 28.

C3^v

Merck ver-
setzt nicht ab-
getilget noch
aufgeleſcht.

auffgehört/ ſo kennen wir weiter nichts an Chriſto/ daß
die krafft der Gottheit/ dann alles was nu an Chriſto
ſey/ ſei die krafft der Maieſtet Gottes/ die natur des flei-
ſches ſei ins geiſtliche wesen verſetzt wordenn/ das alles
was zūuor an ihm fleiſchlich vnd leiblich gewest/ nu
gantz göttlich vnd geiſtlich ſei worden.

Damit Caſſianus aber die menſcheit in Chriſto keins
wegs will abthun/ auffheben oder außleſchen/ alſo das
Chriſtus drumb nit auch noch heüt ein warer menſch
ſey/ ſonder er redet/ wie gehört vom wesen/ von der Eer/
krafft/ macht herrlicheit vnd clarheit des menſchens
Chriſti/ ſo der herr durch ſeinen gehorſam vnd ernidri-
gung auch nach dem menſchenn oder nach dem flaiſche
inn Gott hat erlangt/ ererbt vnd eingenomen.

Chriſtus iſt nu in Gote volendet/ ein gantz newer
göttlicher menſch in der volkomenheit des wesen Got-
tes/ wie geſchribē ſteet: Das Gott diſen Jefum/ den die
Juden gecreütziget haben/ zūm herren vnd Chriſt (das
iſt zum himliſchen König) gemacht hat/ Acto:2. Er iſt
der ander Adam der herr vom himel/ ein ſolcher mēſch/
der Gotte in der clarhait mit ſeiner feele/ leib/ flaiſch vñ
blüt gantz gleichförmig vnd enlich/ Er iſt gecreütziget
auß der ſchwacheit/ lebet auß der krafft Gottes. 2. Cor:
13. Vnd was er lebet/ das lebet er gotte/ Ro: 6. ja in wel-
chem Gott alles/ Vonn welchem auch alle Chriſten her-
komen auß ſeinem fleiſche vnd vonn ſeinen gebeinen/
Ephē 25.

Alſo

C4^r

Alfo will Caffianus auch mit dem hailigen Paulo/
 das man Chriftum Jefum hinfür nit mer nach dem flei-
 fche vnd nach einem menfchlichen Creaturifchen wesen
 Dimenſion, oder Proportion. foll kennen/ richten oder an-
 fehen/ fonder nach dem geifte/ nach Gott/ inn der krafft/
 clarheit/ natur vnnd wesen Gottes/ wie dann in Chri-
 fto alles ift new worden/ vñ Gott hat ihn vberauß hoch
 erhöhhet/ vnnd ihm gelchenckt einen namen der da ift ü-
 ber alle namen/ auff das ſich inn dem namen Jefu aller
 deren knie bügen follten die im himel vnd auff erden vnd
 vnder der erden feind/ vñ alle zungen bekennen follten/
 Das Jefus Chriftus der herr ſei in der Glorien Gottes
 des vaters/ Phil:2.

Daas ift dis büchlin jnnhalt/ welchs auch der barm
 hertzige Gott auß befonderm rate nit vergeblich difer
 zeit/ laßt widerumb an den tag komen/ da ettliche Theo-
 logi vnnd predicanten offentlich Chriftum nach ſeiner
 menfchlichen natur den waren Son Gottes verleück-
 nen/ auffem Göttlichen wesen der heiligen dreifaltikeit
 ſchliessen/ vnnd die gotwerdung oder gleichheit beder na-
 turen Chrifti in der Glorien nit wöllen zülaffen/ auff das
 wir vns vmb Chriftum/ weil wir vnfern Chriftlichen na-
 men vnd die ewige feligkeit daher habē/ mer bekömern/
 vnd ſeines erkantnus in deme das ewige leben ſteht bei
 allem jmmmer fleiffiger warnemen follten/ das auch ſeine
 gätzheit vberall/ beide in der Jgnominia vñ Gloria/ lei-
 den vnnd herrlicheit/ mit rechtem verftand der hailigen
 ſchrifft im glauben gefallet/ geeret vnd behaltē werde/
 dann was Gott hat wöllen gantz/ eins vnnd vereinigt
 haben

Jft zû Baſel
 durch Andreã
 Cratandrum
 gedruckt wor-
 den.

C4^v

haben/ das kan noch foll je kain menfch tailen noch von
einander trennen oder ab fondern.

Drumb fo wöllen wir inn der gnaden Chrifti folch
büchlin mit danckfagung annemen/ das felbig vnnd
fonft alles woll prüffen/ dariñ ein frei vrtail behalten/
auch den Herren Chriftum darneben bitten das er vns
bei difem vnnd anderm/ was vor ihm recht/ was feiner
Eheren loblich/ vnnd vns feligklich vonn ihme zûglau-
ben/ zûreden vnnd zûhalten fei gnediglich offenbare/
Vns bei der warheit vonn der herrlicheit Chrifti
ftercken/ befiglen/ vnnd ymer ye mer be-
ftetten wölle zû feinem ewi
gen lobe/ Amen/
Amen.